

RHYS, HYWEL (1715? - 1799), bardd

Enw: Hywel Rhys
Dyddiad geni: 1715?
Dyddiad marw: 1799
Priod: Catherine Rhys (née Morgan)
Plentyn: Rhys Rhys
Rhiant: Howell Rees
Rhyw: Gwryw
Galwedigaeth: bardd
Maes gweithgaredd: Barddoniaeth
Awdur: Griffith Milwyn Griffiths

o blwy'r Faenor Wen, sir Frycheiniog. Hwyrach mai ef yw'r Howell fab Howell Rees a fedyddiwyd yn Vaynor 10 Medi 1715. Bu am ysbaid yn ffermio tyddyn Blaen y Glais ym mhlwy'r Faenor, ond dywedir iddo gollir fferm trwy ddichell, ac iddo fynd i gadw tafarn a elwid Pantyd r, ger Garn Pontstycyll, sir Frycheiniog. Enw ei wraig oedd Catherine, a hwyrach mai eu priodas hwy yw'r briodas rhwng Howell Rice a Chatherine Morgan a gofnodir yng nghofrestri'r Faenor, 1 Ionawr 1741/2. Priodolir iddo bedair cân, ' Cân y Daear Fochyn,' ' Cân yn cynnwys achwyniad y bardd am gydmare,' ' Cân yr hwsmon,' ' Cân a gyfansoddwyd yn amser yr hynod ormeswr Morgan Siencyn Dafydd.' Cofnodir claddu ' Howel Rees ' yn y Faenor ar 3 Mehefin 1799.

Awdur

Griffith Milwyn Griffiths

Ffynonellau

T. R. Roberts, *Eminent Welshmen: a short biographical dictionary of Welshmen... from the earliest times to the present* (1908)

W. Morgan, *The Vaynor handbook containing photographic views of Vaynor, Cefn Coed, Pontsarn and Morlais Castle, with the history and folk-lore of the parish* (Merthyr 1893)

Charles Wilkins, *The history of Merthyr Tydfil* (Merthyr Tydfil 1867)

Theophilus Jones, Edwin Davies, Joseph Russell Bailey, *History of the County of Brecknock*, iv, 57

NLW MSS 1039, 2140

H. Blackwell, [NLW MS 9271A: A Dictionary of Welsh Biography](#)

Dolenni Ychwanegol

Wikidata: [Q20733252](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

